

REGLUR

um netaveiði göngusilungs í sjó.

1. Reglur þessar varða eingöngu lagnetaveiðar á silungi í sjó.
2. Lagnet skal vera landfast, liggja þvert á fjöru og eigi vera lengra en 50 metrar frá stórstraumsfjöruborði, að stjóra sjávarmegin. Breidd (dýpt) skal ekki fara yfir 2 metra.
3. Óheimilt er að mynda fyrirstöðu eða gildru með staurum, grjóti eða öðrum föstum búnaði, en heimilt er að fergja blýlínu svo net veiði við botn, enda séu endar netsins vel merktir með baujum.
4. Lagnet skal eigi vera smáriðnara en svo að 3,0 cm séu milli hnúta (6,0 cm riðill) þá net eru vot. Netið skal hins vegar eigi vera stórriðnara en svo að 4,0 cm (leyfilegt frávik +/- 0,2 cm) séu milli hnúta (8,0 cm riðill) og notað sé einfalt girni, sem fari ekki yfir 0,4 mm að þykkt.
5. Bil milli lagneta í sjó skal vera minnst 100 m eftir endilangri strönd, þar sem skemmst er milli þeirra. Þó má bil aldrei vera skemmra en fimmföld lengd lagnets. Í sundum milli strandar og eyja eða hólma skal bil milli neta eftir endilöngu sundi vera hið sama og að framan getur, hvoru megin sunds sem net liggur.
6. Net sem ætlað er til veiða á göngusilungi, skal merkt með bauju ásamt nafni ábúanda og lögbýlis sem hefur umræddan veiðirétt.
7. Ef maður veiðir fyrir landi annars aðila skal hann framvísa leyfi landeiganda til veiðanna og merkja netið með nafni og heimilisfangi.
8. Að öðru leyti gilda reglur um friðun og veiðar göngusilungs í ósöltu vatni í samræmi við IV. kafla laga nr. 76/1970, með síðari breytingum.
9. Um brot á ákvæðum reglna þessara fer samkvæmt 2. mgr. 98. gr. laga um lax- og silungsveiði nr. 76/1970, með síðari breytingum, enda varði brotið ekki þyngri refsingu samkvæmt öðrum lögum.
10. Reglur þessar, sem settar eru í samræmi við 1. mgr. 11. gr., 4. mgr. 14. gr. og 2. mgr. 15. gr. laga nr. 76/1970 um lax- og silungsveiði, með síðari breytingum, öðlast þegar gildi. Jafnframt eru úr gildi felldar reglur um sama efni nr. 205 4. maí 1990.

Landbúnaðarráðuneytinu, 26. apríl 1996.

Guðmundur Bjarnason.

Jón Höskuldsson.

7. maí 1996

Nr. 262

AUGLÝSING

um breytingu á auglýsingu nr. 483/1995 vegna innflutnings á landbúnaðarvörum.

1. gr.

Við upptalningu á löndum í 3. gr. auglýsingarinnar kemur:

Kanada

Bandaríki Ameríku

2. gr.

Auglýsing þessi er sett samkvæmt a-lið 1. mgr. 5. gr. reglugerðar nr. 479/1995, sbr. lög nr. 25/1993 og lög nr. 99/1993, og öðlast þegar gildi.

Landbúnaðarráðuneytinu, 7. maí 1996.

F. h. r.

Guðmundur Sigbórsson.

Jón Höskuldsson.

AUGLÝSING

um innflutning á sláturafurðum sem ekki hafa fengið hitameðferð.

Samkvæmt 5. gr. reglugerðar nr. 479/1995 um varnir gegn því að dýrasjúkdómar berist til landsins og um takmörkun á innflutningi dýra, sem fengið hafa vaxtaraukandi efni, skulu þau vottorð og önnur gögn sem auglýsing þessi kveður á um liggja fyrir við tollafgreiðslu á vörum sem koma frá löndum sem talin eru upp í 2. gr. og yfirdýralæknir hefur viðurkennt.

1. gr.

Skriflegt leyfi landbúnaðarráðuneytisins ásamt vottorðum sem krafist er samkvæmt 3. gr. þessarar auglýsingar skal liggja fyrir við innflutning á landbúnaðarvörum sem ekki hafa hlotið hitameðferð og flokkast í vöruliði 0203, 0207, 0210 í tollskrá, sbr. viðauka I við tollalög nr. 55/1987.

2. gr.

Innflutningur er heimilaður frá eftirtöldum löndum, að uppfylltum skilyrðum 3. gr.

Svíþjóð: Kjöt af svínunum, kjúklingum og kalkúnum

Noregur: Kjöt af svínunum, kjúklingum og kalkúnum

Finnland: Kjöt af svínunum, kjúklingum og kalkúnum

Ráðuneytið getur hvenær sem er tilkynnt með auglýsingu breytingar á upptalningu landa samkvæmt þessari grein.

Eingöngu er heimilt að flytja inn úrbeinað kjöt, nema alifugla má flytja inn heila og í bitum.

Innflutningur á öðrum sláturafurðum eða vörum frá löndum sem ekki eru tilgreind hér að framan er einungis heimill með sérstöku leyfi landbúnaðarráðuneytisins að uppfylltum þeim heilbrigðiskröfum sem það setur sbr. reglugerð nr. 479/1995.

3. gr.

Innfluttum vörum sem flokkast í vöruliði 0203, 0207, 0210 sbr. viðauka I við tollalög nr. 55/1987, og ekki hafa hlotið fullnægjandi hitameðferð, skulu fylgja þau vottorð sem hér greinir:

- a. Opinbert upprunavottorð, sem staðfestir að varan sé framleidd í landi samkvæmt 2. gr.
- b. Opinbert heilbrigðisvottorð frá löndum sem hlotið hafa staðfestingu yfirdýralæknis og talin eru upp í 2. gr. auglýsingar þessarar.
- c. Vottorð fylgi vörunni um að sláturdýrunum, sem afurðir eru af, hafi ekki verið gefin vaxtarhvetjandi lyf á eldistímanum.